

3 Jon

Okoro buk nukan onoktapau

Jon ko kar pas ätäi jer wewon. Ko kon enip jer wäu wa, ko erar keser jer wewon is akan kamwariäim ro näwäus jer wemin. Ko kar ro kon enip Gaias jer we muruwon. Kos karauk Kristen roasiret jekur kamwaromoi, sarwarowon, okon, Jon nukas kon enip jou muruwon. Jon nukas ko kar ro onok aru miäu, kon enip Daiotrepis, jekur aparaun rai auruwon.

¹O Gaias, is Jisas mesin woiaka epar miäi roasiret kamwareäim. Na isan jai senes. Epar isan woiias nanun meiewon.

²O jai, is äpu nakan tomat eposek rau, okon, is naka sarau moram sarau eposek säräun, pak naka jekur rawaun kiro mesin Anut na sareisaun aururam. ³Iken karauk jaunokot akas is siarap koumana, naka epar ämän jekur tainoriäüm airoin. Is kiro ämän roumoi, isan woi ereru. Epar senes is äpu, orip orip na epar ämän jekur tainoriäüm. ⁴Isan mokoit asinakut akas Jisas nukan epar ämän jekur tainoriäi roumoi, isan woi näu senes sareäu.

Jon nukas Gaias nukan enip oik muruwon.

⁵O jai, is nanun woiias meiem, na iken Kristen jaunokot erekapu sarwareanik, sarau eposek miäüm. Epar, karauk roat kar menan na äpu wa keseriar sarwareäüm. ⁶Kiro roat nas sarwaromon akas koianik, roasiret woiaka epar moin okoro rai awaroin. Kiro kesek roat nan mena kouna, ätäi manaun ses opok, nas Anut nukan wou ereraun akan apu pakan osap erekapu ar. ⁷Akan sarau onoktoroin ses opok, ak akan mena utomoi, Jisas nukan enip jou muraun potona, roasiret ak Jisas mesin woiaka epar mau wa akan osap wa oiäin. ⁸Keserna, ik Jisas mesin woiok epar momun roat, ik kiro roat sarwarau. Kiro onok pakas ik erek epar ämän tamaraun sarau karar mau.

Daiotrepis kon onok aru.

⁹Is karauk ämän nan kamwareäüm roasiret opok jer we maromin, utianik, Daiotrepis ko isan jer we maromin rowau utou, ko nukasar ro

näwäü saräun keseriäü. ¹⁰Kesernuk, is ak siarakap potoita, kos kiro onok aru keserwon amop mam. Kos iken enmaka opok ämän sepuk sepuk sätäiäü. Ko kiro onok karar wa keseriäü, karauk roat Jisas mesin woiaka epar miäi pena, kon owa wa imware poteäü. Karauk roat akas akan owa imware potaun äiäi, kos tämaromara, kiro roat Jisas mesin woiaka epar miäi roasiret tururiäi pakan emwareäü.

Demitrias ko onok eposek miäü.

¹¹O jai, is nanun woias meiem, na karauk roat akan onok aru wa tainorau, utianik, na onok eposek tainor. Inok roasir ko onok eposek tainoriäü, ko Anut pakan. Inok roasir ko onok aru keseriäü, ko Anut aparau wa. ¹²Roasiret erekapu ak Demitrias nukan onok eposek jou muriäi. Anut nukan epar ämäni ran kon enip oik muriäü. Ik ran kon enip oik muriäüm, naka äpu iken ämän kiro epar senes.

Pataraun ämän.

¹³Is ämän sosop rau jer we musianik, äiäun itok, utianik, okoro ämän erekapu jer wäü utom. ¹⁴Is na pote apaisota, iwaka erek tane rai aramur. ¹⁵Nan won päurar rawaura. Jaunokot okoro opok rai akas ran na ‘pere’ aiso. Nas ätäi isan ‘pere’ ämän iwen jaunokot na pak rai erekapu awar.